

Ն. Ք. ԱՎԱԳԱՆ

ՍՈՒԵԴՈՆԱՅԵՐԻ ՄՇԱԿՈՒՅԹԻ ԵՎ ԿՆՅԱՂԻ ՑՈՒՑԱՆՄՈՒՇՆԵՐԻ ՀԱՎԱՔԱԾՈՒՆ

Սուեդիան օսմանյան միապետության ենթակա Հալեպի մարզի շրջաններից մեկն է եղել¹, կենտրոնը՝ Սուեդիա գյուղը, որը բնկած է եղել Անտիոքի ավերակներից դեպի արևելք։ Շրջանի բնակիչներն էլ կոչվել են սուեդահայեր։ 1913 թվականին սուեդահայերի ընդհանուր թիվը կազմել է 6311 հոգի, բաղկացած 1235 ընտանիքից²։ Անտիոքից դեպի արևմուտք ձգվել է սուեդահայերի գյուղերի շարքը։ Առաջինը Բիթիաս գյուղն է։ Այն կառուցված է եղել բլուրի վրա, օժտված բնության բազմազան գեղեցկություններով։ Բիթիասը հարուստ է եղել թթենիներով և պարտեզներով։ Գյուղի հյուսիսային մասում գրտնըվում է Մուսա լեռը (Ջաբալ Մուսա), որի բարձրությունը ծովի մակերևույթից 1255 մետր է։ Այս գյուղի մոտ է եղել սուրբ Հովհան Ոսկեբերանի եկեղեցին, ուր տոն օրերին հավաքվել են սուեդահայերը, զվարճացել։ Բիթիասը ունեցել է 195 ընտանիք, 1050 հոգի բնակչությամբ։

Բիթիասի մոտ է գտնվել Հաջի-Հաբիբլի գյուղը, որի դիրքը ավելի ցածր է։ Գյուղի հարավային և արևմտյան մասերում կան մեծ և փոքր բլուրներ։ Արևմտյան մասի բլուրների արանքից երևում է Միջերկրական ծովը։ Հաջի-Հաբիբլին շնայած շրջապատված է եղել պարտեզներով, բայց նմանվել է քաղաքի, տները համեմատաբար խիտ են եղել։ Բնակչության թիվը՝ 1284 հոգի, 257 ընտանիք։

Շղթայի հաջորդ գյուղը Յոդուն-Օլուբն է, որը նույնպես շրջապատված է եղել պարտեզներով։ Յոդուն-Օլուբը ունեցել է 1233 հոգի բնակչություն, բաղկացած 255 ընտանիքից։

Այս գյուղից դեպի արևմուտք ձգվել է Քաբուսին, որի արևմտյան մասում Մուսա լեռան բլուրներն են, իսկ հարավից՝ Միջերկրական ծովը։ Բնակչության թիվը՝ 1125 հոգի, 251 ընտանիք։

Յոդուն-Օլուբից ոչ հեռու խրդրբեզ գյուղն է եղել, ամբողջովին ծածկված գեղեցիկ մրգաստաններով։ Թաղերը իրարից բաժանվել են պարտեզներով։ Խրդրբեզի բնակչության թիվը եղել է 1149 հոգի, 195 ընտանիք։ Գյուղի բարձրությունը ծովի մակերևույթից՝ 150 մետր է։ Այս գյուղում է եղել պատմական սոսի ծառը, որը շատ հին է, ըստ բնագետների հայտարարության, աշխարհի խոշորագույն ծառերից մեկն է համարվել։ Նրա բունը շատ լայն է և ծառայել է որպես սրբատեղի։

Շղթայի վերջին գյուղը Վազրֆն է։ Գյուղը բաժանված է եղել թաղերի, ինչպես խրդրբեզը և թաքնված պարտեզների մեջ։ Վազրֆում բնակվել են 82 ընտանիք, 470 հոգի բնակչությամբ։ Եղել են նաև Վերին և Ներքին էզվեյր,

1 Սուեդիա բառը սելեկյանների Սելեկիա բաղաբի առանից է մասանգված (հնչյունափոխված ձևով)։
2 Տ ո ք թ. Մ. Ս ա լ ի, Ալեալներ և խլեալներ, Աղեբսանդրիա, 1920, էջ 9. Բնակչության վերաբերյալ բոլոր թվականն տվյալները վերցված են նշված աշխատությունից։

Մանկավարժ, Գրքատիրներ փոքր դպրոցներ, որոնց բնակչության թիվը հաշվվում է հրդարբեղի հետ:

• •

Համաշխարհային իմպերիալիստական պատերազմի օրերին թուրքական կառավարությունը սկսեց տեղահան անել հայ ժողովրդի արևմտյան հատվածին: Թալեաթ, էնվեր, Զեմալ փաշաների արյունոտ ձեռքերով ստորադրված էր հատուկ հրաման, որի համաձայն պետք է ոչնչացվեր մամբողջ հայությունը և Հայաստանը վերացվեր աշխարհի քարտեզից:

Իթթիհատական կուսակցության պարագլուխների կողմից հայ բաղամաթիվ ընտանիքներ բնաջնջվեցին հայրենի օջախներում: Արյունարբու թուրք ենիշերինները ավերեցին Կարսը, էրզրումը, Իգդիրը, Սիսը, Վանը, Տիգրանակերտը: Տեղահան արին գրեթե մամբողջ արևմտահայությունը և քշեցին Տեր-Ջորի անապատները, ենթարկելով նրան աներևակայելի խոշտանգումների:

Թուրքական կառավարության այս հայաջինջ քաղաքականության դեմ բմբոստացան Տարոնի, Շապին-Գարահիսարի, Ուրֆայի, Վասպուրականի, Սուեդիայի հայերը: Նրանք զինված հերոսական մարտեր մղեցին թուրք բռնակալների դեմ:

Սուեդիայի հայերը գերադասեցին չենթարկվել իրենց ազգակից եղբայրների ու քույրերի ճակատագրին: Նրանք բարձրացան Մուսա լեռ, որոշելով ընկնել պատվալուր մահով հայրենի լեռան լանջերին, քան մահաբեր տարագրության ճանապարհը բռնել:

Դյուցազնական մարտեր մղեցին Մուսա լեռան վրա, քաջագործության անկրկնելի օրինակներ ցույց տվեցին Մարտիրոս Հաբեշյանը, Հովհաննես Լուրջյանը, Մարտիրոս Զանադյանը, Եսայի Յաղուբյանը, Պետրոս Տրմյաքյանը, Պետրոս Գալստյանը և ուրիշներ:

1914 թ. սեպտեմբերի 12-ին ֆրանսիական հինգ նավով կաղմակերպվում է հաղթանակ տարած Սուեդիայի ժողովրդի փոխադրումը Պորտսաիդ, նրա մոտ գտնվող Լադուրեթ-վրանաքաղաքը: Յուրաքանչյուր գյուղ վրանաքաղաքում ունենում է իր որոշակի տեղը 25-ական վրանով: Վրանաքաղաքի բնակչության թիվը մոտ 4000 է եղել: Այստեղ սուեդահայերը ապրել են շորս տարի, 1919—1920 թթ. վերջերին վերադարձել են Զեբել Մուսա: 1939 թ., երբ Ալեքսանդրեաթի սանջաքը կցվում է Թուրքիային, սուեդահայերը կրկին ստիպված են լինում թողնել իրենց հայրենիքը և հաստատվել Լիբանանում (Այնճար):

1946—1947 թթ. մոտ 700 սուեդահայ ընտանիք գալիս է Սովետական Հայաստան և մշտական բնակություն հաստատում նրա տարբեր շրջաններում:

• •

Օրհասական պայքարի կրակով ու բոցով անցած Մուսա լեռան հերոսամարտերի մասնակիցները քաջ գիտակցելով ժողովրդի դարավոր մշակույթի նշանակությունը, պահել, փայփայել, հեռավոր Սուեդիայից մայր Հայաստան և հասցրել այդ մշակույթի բաղմամբունակ նմուշներ:

Հայաստանի պատմության թանգարանի նոր պատմության և ազգագրության բաժինների դիտական աշխատողների ջանքերով հետազոտվեցին ու գրի առնվեցին Երևանի Շահումյանի շրջանում բնակվող սուեդահայերի կենցաղին,

սովորություններին վերաբերող նյութերը և ձեռք բերվեց ազդեցության առարկաների մեծ ժողովածու, ինչպես նաև լուսանկարներ:

Սուեղիայի գյուղերում բնակչության հիմնական զբաղմունքը եղել է պարտիզպանությունը, այգեգործությունը, գինեգործությունը: Այգեգործությունը հատկապես զարգացած է եղել Խրդըրբեզ, Վազըֆ, Քարուսիե գյուղերում: Այս գյուղերում աճեցրել են խնձորի, տանձի, նարնջի, թզի և խաղողի բնուր աեսակներ: Բիթիասը արտադրել է մեծ քանակությամբ դեղախնձոր, որի արտերը եղել են Մուսա լեռան լանջերին:

Հաղահատիկային կուտուրաներից Սուեղիայում տարածված է եղել ցորենի, դարու, կորեկի, Լգիպտացորենի մշակումը, բայց անհրաժեշտ հաղահատիկը բնակչությունը գնել է Անտիոքից:

Սուեղիայում կարևոր նշանակություն է ունեցել ձիթենու մշակումը: Ընտիր ձևը է արտադրվել Յոդուն-Օլուք, Խրդըրբեզ և Վազըֆ գյուղերում:

Ձեռք բերված իրերի մեջ կան այգեգործական և գյուղատնտեսական գործիքների տարբեր տեսակներ՝ գութանի խոփ, մանգաղ, կացին, ցակատ, որոնց մի մասը հերոսամարտերի ժամանակ օգտագործվել է նաև որպես սառը զենք³:

Արհեստներից Սուեղիայում զարգացած է եղել պղնձագործությունը, փայտագործությունը, զգալագործությունը, սանրագործությունը, առավելապես մետաքսագործությունը, եղել են նաև ոստայնանկներ, ոսկերիչներ, երկաթագործներ, որմնագիրներ, կոշկակարներ, սափրիչներ, անագագործներ, վաճառականներ:

Փայտագործության հայտնի վայր են եղել Հաջի-Հաբբըլի և Բիթիաս գյուղերը: Սուեղահայ վարպետները փայտից պատրաստել են կենցաղային փորագրավարդ առարկաներ՝ գդալ, պատառաքաղ, սղաման, բաժակ և այլն: Բիթիասը հայտնի է եղել նաև փայտածուխի արտադրությամբ. փայտագործներ են եղել նաև Յոդուն-Օլուքում: Փայտը փորող, գդալ պատրաստող գործիքը, որ տեղական բարրաուով կոչվում է ազդա, արտադրվել է Յոդուն-Օլուքում:

Ժողովածուում կան ազդայի մի քանի տեսակներ, գդալներ, գդալի կաղապար-ձևեր, բաժակներ, պատառաքաղներ և այլ փայտյա առարկաներ: Յոդուն-Օլուք գյուղի տղամարդկանց հիմնական զբաղմունքը եղել է սանրագործությունը: Կարծր վայտից և ոսկրից պատրաստել են սանր, ծխամորձ, արձանիկներ, որոնք վաճառքի են հանել Հալեպի, Երուսաղեմի, Դամասկոսի, Եգիպտոսի շուկաներում:

Սուեղիայի հայ բնակչության փրկարարներից մեկը՝ Եսայի Յաղուբյանը, նույնպես զբաղվել է սանրագործությամբ: Ձեռք բերված ժողովածուում է Եսայի Յաղուբյանի ձեռքի աշխատանքը՝ սպիտակ ոսկրից պատրաստված սանրը, նոր աշխարհնի ծառի փայտից պատրաստված աղամանը, դոսախ կոչված ծառի փայտից փորագրավարդ պատառաքաղը, ինչպես նաև նրա անձնական գործածության իրերը՝ զգեստը, ժամացույցը, կենցաղային այլ առարկաներ, աշխատանքային գործիքներ⁴:

³ Հայաստանի պատմության թանգարանի ազգագրական ֆոնդ, N° 8083/43, 8083/48, 8083/53, 8083/60, 8097/20, 8097/21, 8097/22:

⁴ Հայաստանի պատմության թանգարանի ազգագրական ֆոնդ, 8097/1, 8097/2, 8097/9, 8097/10, 8097/13, 8097/18:

Սուեգիայի գյուղերում զարգացած է եղել ժանյակագործությունը: Սուեգայ կանայք մեծաքանակությամբ թելերից սլափառում են տանգանգործ նուրբ ծածկացիներ, որոնք մեծ մասամբ օգտագործվել են կանացի գլխաշորի (յազմա) եզրերը պարզարելու համար: Ժանյակագործությամբ հայտնի են եղել Հաջի-Հաբիբի, Քաբուսի, մասամբ էլ Վադրֆ գյուղերը, որոնց արտադրանքը վաճառքի է հանվել Անտիոքի շուկայում (տե՛ս նկ. 3, 3ա, 3բ): Ժանյակագործությամբ որոշ չափով զբաղվել են նաև Յոզուն-Օլուբում: Ժողովածուում կան Յոզուն-Օլուբում տանգանգործված երկրաչափական և բուսական նախշերով ժանյակներ՝ օձիք, արտազգեստի թևաբերուն, սանրաման, ուղ թվում նաև Շաւի Յադուրյանի կնոջ՝ Իսկուհու գլխաշորը (դուլակը, նկ. 4), պարզարված իր կատարած տանգանգործ նեղ ժանյակով: Գլխաշորը քառանկյունաձև է, մոխրագույն բամբակյա նուրբ կտոր, դաջած ծաղկանախշերով: Ձևը է բերված նաև Իսկուհի Յադուրյանի օգտագործած գործիքը՝ մաքոքը, որով նա գործել է ժանյակ թել՝ միագույն և թել՝ մետաքսյա գունավոր թելերով:

Սուեգիան հայտնի է եղել նաև իր շերամապահությամբ: Թթենիների մշակումը նպաստավոր պայման է հանդիսացել շերամապահության զարգացման համար: Հունգ աճեցնողներ են եղել Յորդի Իսկանդարյանը (հաջի-հաբիբիցի), Աբրահամ Ռանջիլյանը (բիթիասցի): Սրանց աճեցրած հունդը ավելի շուտ է սպառվել, քան Եվրոպայից եկածը:

Տեղում արտադրած մետաքսաթելով գործել են կտորների տեսակներ, որոնք, բայց տեղացիների վկայության, մրցել են Լիոնի մետաքսեղենի հետ: Ժողովածուում կան Հաջի-Հաբիբի գյուղում արտադրված մետաքսյա շերտավոր, վանդակներով, միագույն նուրբ կտորներ և նրանցով կարված զգեստի տեսակներ (նկ. 1), ինչպես նաև կտոր գործելու տարբեր մեծության հաստոցի մասեր: Հաջի-Հաբիբիում եղել է 32 մետաքսյա կտոր գործելու, 10 կտավ, «շոտրնկա» և արա գործելու հաստոց: Աբալի կտոր գործող հայտնի վարպետ է եղել Մարտիկ Կրոնկյանը:

Սուեգահայ կանայք հագել են շապիկ, շապկրնկեր՝ սպիտակ գույնի կտավից, նրա վրայից՝ դեյրա-ֆստան, որը կարել են սովորաբար բամբակյա գծավոր կտորից, իսկ նորահարսինը՝ մետաքսյա կտորից, վերջինս կոչել են բիրբսմը-ֆստան: Կապել են մետաքսյա կտորից գոտի: Հասակավոր կանայք, որոնց տատի-մայր են կոչել, հագել են գծավոր կտորից կարված անթարի: Նրանց գոտին եղել է բրդյա (բիրման շալ), որը տեղական բարբառով անվանել են աջամ շալ: Փողոց դուրս գալիս ֆստանի վրայից հագել են մուգ գույնի բամբակյա կամ բրդյա կտորից կարված վերնազգեստ — փալթե:

Գլխի հարդարանքը եղել է հետեյալը՝ ծածկել են ֆես, բրի դագաթից կախված է եղել փնջիկ, կապել են յազմա, բորոցներով ամրացրել ֆեսի վրա: Նրա վրայից ձգել են մետաքսյա երկար, քառանկյունաձև սպիտակ գույնի գլխաշոր-ֆիշո, որի ծայրերը կախվել են մինչև սրունքները: Նորահարսի դեմքը ծածկել են փաշո կոշվող նուրբ մետաքսյա կտորով: Աղջիկները ծածկել են ֆես, պարզարված երեք շարք դրամներով, իսկ ֆեսի վրայից կապել են գլխաշոր: Ավելի փոքր աղջիկները մաղերին կապել են ժայռավեն-կորդիլա: Հատուկ դերձակներ չեն եղել, կանայք և աղջիկները կարել են իրենց զգեստները միմյանց օգնությամբ:

Ազանելիքը եղել է դուլպան, կոշիկը, էմանին: Արտ գնալիս հագել են ճրտկավոր կոշիկ: Կանայք կրել են ոսկյա կրծքավարդեր: Աղջիկը՝ մինչ ամուսնա-

նույնը, կրճրից կտխել է տպակույց կամ մարջանից ուղունքներ, իսկ ամուսնութիւնից հետո՝ ոսկյա շարուն մանյակ, որը ստացել է փեսայուից իբրև նվեր:

Սուեղահայ տղամարդկանց զգեստը եղել է շապիկ, շապկոնկեր կարված սպիտակ դույնի բիսպից. դրանց վրայից հագել են շալվար-զալվուր՝ բամբակյա կտորից: Կապել են գծավոր կտորից գոտին: Գոտուց կտխել են քիսիկը, որի մեջ պահել են ծխախոտը: Հագել են ելակ, որի աջ ու ձախ առջևամասը զարդարել են երկայնակի դասավորված կոճակների շարանով. այն կոճկվել է դայթանի օղակներով: Ելակի վրայից հագել են աբա, որը եղել է երկար՝ մինչ ծնկները, իսկ թևերը՝ մինչ արմունկը: Աբան գործել են այծի մազից (մուգ):

Գլխարկը եղել է թաղիքից, տեղական բարբառով այն կոչել են քուլախ, որի վրա փաթաթել են զլխաշոր կամ էլ քաֆիան⁵: Քաֆիան ծալել են շեղակի, կամ թույլ ոլորել, փաթաթել զլխարկի շուրջը. մեկ փնջիկը կտխել են ականջի վրա, իսկ մյուսը մնացել է փաթաթանի տակ:

Ոտերին հագել են բրդյա սպիտակ, մոխրագույն գուլպա, կարմիր կամ դեղին գույնի երկարաճիտ կոշիկ՝ չաքմա:

Բնակչության զբաղմունքներից մեկն էլ եղել է անասնապահությունը: Ոչխարի ընտիր տեսակի բրդից սուեղահայ կանայք գործել են կարպետ, խուրջին, գուլպա և այլ գործվածքներ: Բրդյա գործվածքները զարդարել են երկրաչափական, բուսական նախշերով: Ձեռք բերված առարկաների մեջ կա մեծ խուրջին, գործված բրդյա գունավոր թելերով: Նրա վրա արված են շերտավոր նախշեր, զարդարված երկու շարք փնջիկների շարանով: Սուեղահայերի մեջ շատ տարածված է եղել հայ ժողովրդի աղգային կերակուրներից հարիսան, որը եփել են սղնձյա մեծ կաթսայի մեջ: Ձեռք է բերված նսայի Յաղուրյանի տան հարիսայի կաթսան (նկ. 2)⁶: Կաթսան ունի պայտաձև երկու բռնակ, շուրթը զարդարված է գծանախշերով, պատրաստված է Անտիոքում, հայ վարպետի ձեռքով: Ըստ մուսալեռցիների հաղորդման, այդ կաթսան օգտագործվել է նաև պաշարման օրերին:


Ձեռք բերված ժողովածուի մեջ ուշագրավ են զենքերը՝ մեկ և երկփողանի հրացանները, զինագործ Հովհաննես Եղյանի պատրաստած դաշույնները, վառողի տեսակները, որը պատրաստված է պաշտպանության ժամանակ:

Ժողովածուում է նաև Յաղուրյանների տան ծղոտից գործված սալան, որը տեղական բարբառով կոչվում է թաբուխ: Թաբուխը օգտագործվել է հարսանիքի ժամանակ՝ հարսի շորերը, ուտելիքները, նվերները տանելու համար: Տեղացիները ձոխ են համարել այն հարսանիքը, երբ մի քանի թաբուխ են դուրս բերել զլխներին դրած:

Ձեռք են բերված նաև Հայկական բարեգործական ընդհանուր միության Հաջի-Հաբիրլիի մասնաճյուղի և թաղական ժողովի կնիքները, քարտաշի, որմնադիրի գործիքներ և բազմաթիվ այլ առարկաներ:

⁵ Քաֆիան մետաքսյա կտոր է, որը դրոճել են հասուկ հաստոցով: Այն բառակցությանն է, նրա շորս անկյունում կատարել են մեկական, իսկ կենտրոնում՝ երկու մաքորածն նախշ: Քաֆիան եղել է նաև շերտերով, իսկ շերտերի մեջ՝ ծաղկանախշեր: Նրա երկու անկյունում ամրացրել են մեկական փնջիկ. այսպիսով, մեկ քաֆիան ունեցել է երկու փնջիկ:


⁶ Հայաստանի պատմության թանգարանի աղագրական ֆոնդ, 8097/15, տե՛ս նկ. 2:



Նկ. 1. Գոտիններ, Ճետաքս, Հաջի Հաբիրի, 1913 թ. (Հայաստանի պատմության թանգարան, ազդագրական ֆոնդ, 8083/36, 8083/37)



Նկ. 2. Կաթնա, պղինձ՝ օդադորձված Նսայի Ցաղուրյանի տանը
(Հայաստանի պատմության թանգարանի ազդագրական ֆոնդ, 8097/15)




Նկ. 3. Օձիք-ժանյակ, Յողուն-Օլուք, 1913 թ.
(Հայաստանի պատմության բանդարան,
ազգագրական ֆոնդ, 8097/5)




Նկ. 3ա. Օձիք-ժանյակ, ցամբակյա թելով
ստեղծագործված, Յողուն-Օլուք, 1913 թ.
(Հայաստանի պատմության բանդարան,
ազգագրական ֆոնդ, 8097/4)

317



Նկ. 3բ. Փանյակ, դվխաշորի եղբերի համար,
գործ Իսկուհի Յաղուբյանի, 1913 թ.
(Հայաստանի պատմության թանգարան,
ազգագրական ֆոնդ, 8083/40)



Նկ. 1. Դվխաշորեր (դուլակ), Իսկուհի Յաղուբյանի, 1913 թ.
(Հայաստանի պատմության թանգարան, ազգագրական ֆոնդ, 8097/3,
8097/17)

Այս ժողովածուն հետաքրքիր աղբյուր է հանդիսանում Սուեդիայի հայերի պատմության ու ազգագրության ուսումնասիրման, նրա մշակույթի, կենցաղի, սովորությունների մի շարք հարցերի պարզաբանման համար։

Ժողովածուն հարստացրեց թանգարանի ազգագրական բաժնի, հայ ժողովրդի այդ հատվածի վերաբերյալ նյութական մշակույթի ֆոնդը։

Սուեդահայերից ձեռք բերված կենցաղային առարկաները ցուցադրված են այդ ժամանակաշրջանի պատմությանը նվիրված հատուկ սրահում։